

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

In festo ascensionis Christi

[urn:nbn:de:bsz:31-122776](#)

In Festo Ascensionis Christi.

Evangelium Marc. 16. v. 14. 20.

Vid. Nœd. Epist. pag. 296. a. **A**rea fœderis cum multo jam tempore in tentoribus Castrisibus habita fuisse, summo tandem honore, magnificèria & pompā in templum Salomonis deducta fuit, i. Reg. 8. v. 4. seqq. Cf. Num. 10. 33.

Hanc figuram hodie adimpletam vide-
mus. Christus est vera arca salutis, per arcum
fœderis designatus, Rom. 3. v. 25. hic cum
aliquanto tempore in similitudine homi-
num in deserto hujus mundi obambulasset,
tandem omni quā fieri potuit pompā, solen-
nitate, triumpho & majestate, ex civitate
David, id est, ex ecclesia militante, in tem-
plum Salomonis, id est in cœlum, & in Ec-
clesiam triumphantem translatus est, ubi
nunc sedet ad dextram Patris sub alis Cheru-
bim & Seraphim, & dominatur in medio
inimicorum, Ps. 110. v. 2. à mari ad mare,
Ps. 72. v. 8. super omnem principatum & po-
testatem, & virtutem & dominationem, & o-
mne nomen quod nominatur, non solum in
hoc, sed & futuro seculo, Eph. 1. v. 21.

De hac gloriōsa Christi in cœlos elevati-
one agit prælecta Evangelii pericope, quæ
in duas potissimum partes dividi potest. Oc-
currunt enim

I. *Prævia instrucțio.*

II. *Ascensionis Consecutio.*

J. J.

EXEGESIS.

Pincerna Pharaonis è carcere liberatus &
pristino honori restitutus obliviscebatur
Josephi, qui ipsi hoc eventum ex somnio
præixerat, Gen. 40. v. 13. Ita non affectus

est Christus Salvator noster, postquam ex
carceri sepulchri prodit, sed primo statim
die Apostolos fugitivos præsentia suâ exhibi-
larat, & multis modis ostendit, quod anti-
quam affectionem non depositerit, sicut in
hodierno Evangelio talis apparitio, & qui-
dem ultima sive postrema describitur, quâ
ante suum in cœlos ascensum instruit Apo-
stolos, quomodo officium suum admini-
strate debeat.

Instructio illa tribus membris absolvitur ut sunt

I. *Increpatio*, v. 14. nam ἀνείδησεν, inquit
Evangelista, exprobavit illis, quod his qui
vidissent ipsum resuscitatum non credidis-
sent. Hoc facit ex amore. Nam habet & a-
mor plagas suas, inquit Ambrosius. Et Sa-
lomo Prov. 27. ver. 6. Melior est manifesta
correțio, quam amor absconditus. Melio-
ra sunt vulnera diligentis, quam oscula o-
dientis.

Sequantur ministri Ecclesiae, & auditores
suos objurgent tempestivè & intempestivè, 2. Tim. 4. v. 2. alias erunt canes muti, E-
sa. 56. vers. 10. Auditores vero increpationes
eiusmodi animo humili & placato suscipiant.
Qui enim custodit increpationes, astutior
deinde fit, & auris quæ audit increpationes
vitæ, in medio sapientum commorabitur,
Proverb. 15. v. 31.

Notandum hinc

I. *Tempus*, quando facta sit hæc appar-
tio, nimirum postea recumbentibus undeci-
m, ipso quadragesimo die, cum iam ab eis
in cœlum aseensurus esset, quâ repetitâ ma-

niti: o fit phabile, have filij se ultimam festinationem
sicut et 40. die factam: Sed potius firste illemp
descrit Joh. 20. 26. seqq. Vid. Bez. Not. ad
Marc. 16. 14. It. Spener. Sæt. Arnulf. Bon.
fest. A. ens. p. 898.

nifestationē clarissimum bonitatis & misericordiae suae exemplum statuit. Sicut enim pastor fidelis, ovem amissam sollicitè quærat, jamque diu tritas itque reditque vias, dum invenit illam : Ita Christus non semel aut bis, sed ter, quater & amplius quærat Apostolos suos, qui percuesso pastore sicut oves hinc inde dispersi erant, Zach. 13. v. 7. Luc. 25. vers. 4.

Hanc Christi sollicitudinem & bonitatem semper nobis ob oculos ponamus, si quando contingat nos in fide etiam infirmari, ut recordemur, nos misericordissimum habere pastorem & Pontificem, qui compatinor modò possit sed & velit infirmitatibus nostris, Ebr. 4. v. 15.

2. *Scophs*, qui duplex. Taxat enim duo virtutia capitalia, quorum

1. *Eftānicia*, incredulitas. Audiverant ex ore Maria Magdalena, Christum vivere, Marc. 16. v. 10. quod confirmaverant cæteræ mulieres, Matth. 28. ver. 1. & Emauntini, Luc. 24. v. 35. sed nolabant credere, & verba illa videbantur illis ἀσεὶ λῆγος, Luc. 24. vers. II.

O fugite vos mei, fugite peccatum hoc, quod est mater & radix omnium peccatorum, & imitamini potius Abrahamum, qui credidit contra spem in spem, Rom. 4. v. 18. qui enim incredulus est filio, vitam non viderit, sed ira Dei manebit super ipsum, Joh. 3. vers. 36.

2. *σκληροτερα*, cordis durities, quæ tamen eo sensu de Apostolis non prædicatur, quo Stephanus eam Judæis tribuit & horum senioribus, Act. 7. v. 51. nam renati erant & à mundo separati, Joh. 15. v. 19. Sed quia reliquias peccati adhuc sentiebant, & tot resurrectionis testes mendacii arguere non erubuerant, duritiem cordis lapidei

Christus ipsis exprobrat, ut succedar cor carneum charitate plenum, & verba quæ recedens diceret, in corde eorum arctius impressa remanerent, quæ D. D. Hieronymi & Gregorii verba sunt.

Hodie talis σκληροτερα & durities cordis valde frequens est. O quotusquisque est, qui istic, qui Christum oculis viderant, manus palparunt, auribus audierunt, i. Iohann. 1. v. 1. Apostolis puta & Evangelistis, in his, qua de Christo scripta teliquerunt, non credit? Exemplo sunt Pontifici, qui concilia, Papam & humanas traditiones Scripturæ S. anteponunt. Exemplo etiam sunt Sacramentarii. Si enim crederent Christo & Apostolis, verba Institutionis Cœnæ Dominiæ non tam obstinatè oppugnarent. Merito igitur h̄ic cum Propheta exclamandum: quis credit auditui nostro? Esa. 53. vers. 1.

Mortificemus nos illam cordis duritatem, & oremus Deum, ut auferat de corde nostro cor lapideum, & donet nobis cor carneum, juxta promissionem Ezech. 36. v. 26.

II. *Ablegatio*. Nam finitæ incitatione vocationem Apostolorum repetit, dicens: Ite in universum mundum, & prædicate Evangelium omni Creaturæ. Ex his verbis apparet, quod ablegatio Apostolorum fuerit

1. *Peculiaris*, nam ad prædicandum emituntur, non ad regnandum vel ad otium, vel ad luxuriantum. Qui igitur terrenis negotiis fese implieant, equis, mulis, rhebris & curribus vehuntur, & ut Reges gentium dominantur, quod apud Pontificios Papa, Cardinales, Episcopi, &c. faciunt, non sunt legitimi Apostolorum successores. Ite, inquit Dominus, prædicate. Prædicantes esse debent, & vocem suam confidenter exaltare, Esa. 58. vers. 1. si ministri Evangelici

In Feste Ascensionis Christi.

150

partes masculè implere velint. Prædicantis
igitur nomen, quod Pontificii tantoperè
calumniantur, non aversari debemus, nam
omnes Prophetæ, Apostoli, Iohannes Ba-
ptista, & Christus ipse fuerunt prædicantes,
Esa. 81. v. 1. Jer. 7. v. 2. Matth. 3. v. 1. Luc. 3.
v. 3. Matth. 4. vers. 23. Videamus autem, ut
prædicemus Evangelium, non aniles fabu-
las, 2. Pet. 1. v. 16. vel doctrinas hominum,
Matth. 15. v. 9. multò minus doctrinas dæ-
moniorum, 1. Tim. 4. v. 1. qui enim aliud
Evangelium prædicat, quam Apostoli præ-
dicarunt, anathema sit, inquit Paulus Gal.
1. vers. 8.

2. Universalis,

1. Ratione terrarum. Nam in omnem
mundum jubentur ire, ut impleretur illud
Psalm. 19. v. 5. Ante passionem suam præci-
piebat Apostolis: In viam gentium ne abie-
ritis, & in Civitates Samaritanorum ne in-
traveritis, sed potius ite ad oves, quæ perie-
runt, domus Israel Matth. 10. vers. 5. His
enim primum oportebat annunciarri ver-
bum Dei, Act. 13. v. 46. Jam verò post re-
surrectionem verba alteri sonant: Ite in uni-
versum mundum, quia Judæi contemne-
bant Evangelium, & in locum ipsorum
Ethnici adoptandi erant, juxta prædictiones
Prophetarum Esa. 60. v. 5. seqq. Huc perti-
net inter alia vaticinium Zachariæ 14. v. 4.
nam tempore ascensionis steterunt pedes
Christi in monte Oliveti, scilicetque est mons
in quatuor partes, quando ab illo egressi
Apostoli ad quatuor mundi plagas abie-
runt, & Evangelium de Christo ubique
prædicarunt. Quò enim non pervenit pes
Apostolorum, cù tamen pervenit sonus eo-
rum. Notate hoc vos mei, in consolatio-
nem. Nam ubique etis, etiam in me-
dia Turcia, Deum propitium habetis, qui

vestram salutem desiderat, & clamat Esa. 44.
v. 22. Convertimini ad me, & salvi eritis om-
nes fines terræ.

2. Ratione personarum. Nam omni crea-
turae prædicare jubentur, non quidem ir-
rationali, ut Monachi fabulantur S. An-
thonium piscibus, S. Franciscum passeribus,
Bedam lapidibus, &c. prædicasse, sed rati-
onalí, sive omnibus gentibus, ut Matthæus
explicat. Hoc etiam fecerunt: Nam abeun-
tes prædicarunt Evangelium ubique, inquit
Marc. c. 16. v. ult. admonentes omnem ho-
minem, & docentes omnem hominem, &
exhibentes omnem hominem perfectum in
Christo Jesu, Col. 1. v. 28. ut fructificari Ev-
angelium in universo mundo apud omnes
creaturas quæ sub caelo sunt, ibid. v. 23.

Hinc apparer evidenter, quod velit Deus
omnes homines salvos fieri, & ad agniti-
onem veritatis pervenire, 1. Tim. 2. v. 4. id
quod sacrosancto juramento confirmat E-
zech. 33. v. 11.

3. Salutaris. Qui enim crediderit, subji-
cit Christus, & baptizatus fuerit, salvus exit,
qui verò non credit, condemnabitur.

Verbum Evangelii non est sonus evan-
cens, aut litera mortua, sicut hæretici ca-
lumniantur, sed virtus Dei ad salutem omni-
credenti, Rom. 1. v. 16. Si quis igitur credit,
hoc est gratiam Dei, meritum Christi, & inde
dependentem remissionem peccatorum,
justitiam, vitam & salutem eternam in Ev-
angelio oblatam apprehendit, sibi que applic-
cat, ex fide sua vivet, Hab. 2. v. 4.

Idem de Sacramentis iudicium est, quæ
sunt, εφεσίδες τῆς διατομῆς, Rom. 4. v. 11.
Hic de Baptismo sermo est, qui Sacramen-
tum initiationis à veteribus appellatur, & si
quis non renatus fuerit ex aqua & Spiritu,
non introibit in regnum cælorum, inquit
Salva-

Salvator, Joh. 3. vers. 5. non tamen fidei & baptismi pars & æqualis est necessitas. Fides simpliciter necessaria est, proinde Christus expressis verbis dicit: qui non crediderit, condemnabitur. Nam absque fide impossibile est Deo placere, Ebr. 11. v. 6. Baptismus verò necessarius quidem est, sed non absolutè. Excipitur enim casus necessitatis, quando infans vel in utero moritur, vel in partu, vel alia quacunque ratione baptismus impeditur, tunc certè baptismus Deus non alligatus est, sed extraordinariè salutem infantum promovere potest, sicut in V.T. infantes Israelitarum ante octavum dicim, qui præcisè observandus erat, demortuos non rejecit, ut docet exemplum filioli Davidis, 2. Sam. 12. v. 23. ubi enim nullalex, ibi nulla prævaricatio legis, Rom. 4. v. 15.

III. Confirmatio. Sicut enim Deus olim Moysen ad Pharaonem alegaturus, dono miraculorum ipsum instruebat, Ex. 4. v. 1. seqq. Ita Christus h. l. miracula specificat, quibus Apostoli doctrinam Evangelii confirmaturi erant, quæ sunt

1. Comitantia. Nam sequentur eos, inquit Christus, qui crediderunt, puta Doctores Evangelii, vel etiam credentes quoscunque alios, siquidem in primitiva Ecclesia donum hoc commune erat, & à Spiritu Sancto distribuebatur ad beneplacitum, 1. Cor. 12. vers. 11. imò hypocritis etiam dabatur, Matth. 7. v. 22.

Non igitur genuina & infallibilis Ecclesia vera nota est, quod signis & miraculis clarescere debeat, ut Pontifici putant: In Exordio quidem Ecclesia necessaria fuerunt, ut ad fidem cresceret multitudo credentium, 1. Cor. 14. v. 22. sicut & nos cum arbusta plantamus tamdiu eis aquam infundimus, quoisque ea in terra coaluisse vide-

mus, & si semel radices fixerint, irrigatio cessat, ut Gregorius loquitur. Hodie igitur miraculis non amplius opus est, quia doctrinam eandem habemus & amplestимur, quæ per miracula Apostolorum abunde confirmata est. Si quis igitur adhuc miracula querit, ad Antichristi familiam pertinet, Mat. 24. vers. 24. 2. Thes. 2. vers. 9. Apoc. 13. vers. 13.

2. Variantia. Nam (1.) dæmones ejicient, quod factum, Act. 5. v. 16. 8. v. 7. 16. v. 18. (2.) linguis novis loquentur, quod compleatum est, Act. 2. v. 4. 10. v. 46. 19. v. 6. (3.) Serpentes tollent, quod Paulus fecit in insula Melite, Act. 28. v. 5. (4.) Si quid lethale bibent, nequaquam nocebit eis, quod de Johanne referunt histotiae Ecclesiasticae. (5.) ægrotis manus imponent, & bene habebunt. Exempla vide Act. 9. vers. 34. 28. vers. 8.

Elucescit inde

1. Dei bonitas, qui adhuc hodiè fidelibus suis miraculose auxiliatur in omnibus tribulationibus. Dæmonia ejiciuntur jejunio & oratione, Matth. 17. v. 21. infirmi oratione fidei salvantur, Jacob. 5. vers. 15. Serpens antiquus è cordibus impiorum prædicatione & meditatione verbi divini expellitur, Jac. 4. v. 7. magnalia Dei celebrantur in omnibus iniquis, nam Evangelium fructificat in toto mundo, Col. 1. v. 6. Deus sæpe ἀπὸ μηχανῆς auxilium mittit, de quo nemo unquam cogitavit, Psal. 64. vers. 10. Ergò confide Deo, qui miracula facit solus, Ps. 72. vers. 18. & non dabit in æternum fluctuationem justo, Psal. 55. v. 23.

2. Christi potestas. Nam in nomine ejus hæc miracula S. Apostoli operati sunt. Ergò ad ipsum verâ fide confugiendum semper, ille magnus est consilium, & incomprehensibilis

sibilis cogitatu, Jerem. 32. v. 19. nomen ejus tauris fortissima, ad illum currit justus & exaltabitur, Prov. 18. v. 10.

De Secundo.

VIdimus instructionem, videbitus etiam ascensionem, circa quam tria ponderanda veniunt,

1. *Modus*, quomodo ascenderit, nimirum

1. *Veraciter*. Carpocratiani circa annum Christi centesimum nugati sunt, Christum animâ tantum, corpore in terris relicto, in cælum ascendisse. Manichæi φαινόμενος tantum & apparenter ascensionem Christi interpretabantur. Sed perperam. Verè enim & realiter corpore & animâ Christus in cælum ascendit in præsentia omnium Apostolorum & discipulorum suorum, qui oculis apertis aspicerunt, Actor. i. v. 9. seqq. hoc prædictum erat Ps. 47. v. 6. & 68. v. 19. Zach. 14. v. 4.

2. *Localiter*. Αὐτὸν, inquit Marcus, hoc explicat per τὸ διέγη, Luc. 24. v. 51. recessit ab illis, & per τὸ ἐπήγειρη, in altum elevatus est Acto. i. v. 9. quæ verbaluculenter docent ascensionem Christi non fuisse nudam quandam disparitionem, ut Luc. 24. vers. 31. sive ἀστακα & invisibilitatem, ut Luc. 4. v. 30. & Joh. 8. v. 59. sed τοπικὴ μετάσεων, localem translationem & visibilem elevationem, quâ Christus in monte Oliveti propè Bethaniam stans è terra suisum visibiliter in altum sublatus per nubem ex oculis discipulorum subductus & in cælum translatus est.

Nequaquam igitur docemus, sicut quidam calumniantur, Christi ascensionem fuisse merum phantasma, sed toto corde credimus, & ore confitemur, quod verè & rea-

liter de loco ad locum, & quidem sursum elevatus, & in cælum beatorum statumque plenariæ glorificationis translatus sit. Scimus enim ip̄sū, nisi verè in cælum ascendisset, quod ascensio ipsius nihil nobis prodest se possit, sicut etiam veritas passionis & mortis præsupponitur, ut fructus ex ea ad nos derivetur. *Ubi autem sit illud coelum, in quod Christus ascendit, nostræ fragilitatis non est discutere*, inquit Augustinus. Dicitur enim coelos penetrasse, Ebr. 4. v. 14. super omnes coelos ascendisse, Eph. 4. v. 10. ex celsior coelis factus, Ebr. 7. 26. quâ loquendi formulâ non tam altitudo loci, quam ὑπερβολή & sublimitas divinæ majestatis innuitur, cuius plenariam usurrationem depositâ formâ servili per ascensionem suam Christus consecutus est, Act. 2. v. 36. Eph. 1. vers. 21.

3. *Regaliter, si spectes*

1. *Currum*, qui fuit nubes, quam Pater coelestis in occursum misit filio suo, sicut Josephus Patri suo currum mittebat, Gen. 45. v. 21. hoc fuit divinæ majestatis indicium, Ps. 104. v. 3. Ostenderat se Dominum maris videlicet superambulando Matt. 14. v. 25. & tranquillando, Marc. 4. v. 39. ostenderat se Dominum terræ, quando in passione & resurrectione sua illam tremere fecit, Matth. 27. v. 52. 28. v. 2. & mortuos suscitavit, Matth. 27. v. 52. Ostenderat le Dominum inferni, quando Diabolos expulit, Luc. 11. vers. 14. & ζωτονθήσεις in carcerem illum infernalem descendit expolians principatus & potestates, triumphans illos in semetipso, Col. 2. v. 15. Restabat igitur, ut se Dominum cœli ostenderet, quod re ipsa præstituit, quando nubes ei famulatum præstítit: Ita typus impletur, Num. 10. vers. 11. 12. Sicut enim Israelite in deserto castra movebant, quando nubes eleva-

elevabatur: Ita Christo per nubem in cœlum sublevato, dispersi sunt Apostoli in totum terrarum orbem, & prædicarunt Evangelium omni creature, ut suprà audivimus.

2. *Comitatum.* Nam curruum Dei sunt vicies centena millia, imò in duplo, Dominus inter eos est in Sinais sancto, inquit David Ps. 68.vers.18. Hi currus Dei sunt sancti Angeli, quos in ascensione Christi præsentes fuisse testatur visibilis duorum ex cœtu angelico manifestatio, Act. 1.vers.10. Qui-dam velut prodromi exclamarunt: Attolite ô portæ, capita vestra, & elevamini porta mundi, & intrabit Rex gloriae. Reliqui è cœlo in occursum illis venientes dixerunt: Quis est iste Rex gloriae? Responderunt Angeli Christum comitantes: Dominus fortis & heros, Dominus fortis in prælio, Ps.24.v.7. seqq.

II. *Terminus*, nimirum ultimus vel proprius (de communii enim jam anteà dictum) est dextra Dei, ad quam per ascensionem suam confedit. Cum Enoch quidem & Elia ascensionem in cœlos communem habet, sed sessio ad dextram Dei, nec Enoch, nec Eliæ, nec ulli Angelorum competit, Ebr. 1. v.13. Quid autem per Sessionem ad dextram Dei intelligendum sit, Scriptura declarat, tum explicatione termini simplicis, quando dextram Dei vocat dextram virtutis, Matth. 26.vers.64. Luc. 22.v. 69. dextram majestatis, Ebr.1.v.3. thronum μεγαλωσύνης, Ebr. 8. v.1. thronum gloriae, Matth. 25.vers.31. tum phraseos composito, quando sedere ad dextram Dei explicat per regnare, Ps. 110. v. 2.1. Corinth. 15.v.25. omnia implere, Eph. 4.vers.10. supra omne quod in hoc vel futuro seculo nominari potest, constitui, & omnia pedibus suis subiecta habere, Eph.1.v.20.21.

Soletur te majestas Christi ad dextram Dei exaltati

1. *Contra conscientia angorem.* Quis enim condemnet te? Christus Jesus sedet ad dextram Dei & interpellat pro nobis, Rom.8.34.

2. *Contra mundi furorem.* Christus sedet ad dextram Patris, & dominatur in medio inimicorum Ps. 110. v. 1.2. deliberent ergò Diabolus, mundus, tyranni, &c. contra nos quicquid velint, hic est Imanuel, Es.8.v.10.

3. *Contra inferni terrorem.* Christus sedet ad dextram Dei, & inferno pestis factus est, Os.13.v.14. vivit, & tu vives, Joh. 14.v.19. Vicit, & tu vincis propter eum qui dilexit te, Rom.8.v.37. regnat, & tu regnas cum ipso, 2. Tim.2.v.12. pugna modo ut vincas, vince ut vivas, vive ut regnes, si vice-ris, dabit tibi sedere secum in throno suo, Apoc.3.v.21.

III. *Fructus*, qui triplex

1. *Fidei confirmatio.* Nam ex ascensione Christi agnoscimus, quod sit Christus verus promissus Messias, de quo olim prædictum est, quod peracto redemptionis opere cœlum ascensurus sit, itemque Dominus constitutus super omnia, Act. 2.v.36. Ps. 8.v.7. & tandem mediator & Advocatus noster, qui ideo ascendit in coelos, ut appareret pro nobis in conspectu Dei, Ebr.9.v.24.

2. *Spe elevatio.* Est enim perruptor ille fortissimus, Mich. 2.vers. 13. qui viam vitæ nobis aperuit, Ps. 16.v.11. & clausas paradisi fores reseravit, ut jam habeamus fiduciam & accessum in confidentia per fidem ipsius, Eph.3.vers.12. Hinc Leo: Christi ascensio est nostra provectio, & quod præcessit gloria capitis, eo vocatur etiam spes corporis. Et Ecclesia:

In Feste Ascensionis Christi.

154

Weil du vom Tod erstanden bist /

Werd ich im Grab nicht bleiben / ic.

3. *Charitatis inflammatio.* Quia enim Christus unicus animæ nostræ thesaurus in coelo est, oportet nos etiam corda elevare, & à terrenis abstrahere juxta admonitionem Pauli Col. 3. vers. illuc sequamur corde, ubi Christum corpore ascendisse credimus. Desideria terrena fugiamus, nihil jam nos delectet in infinitis, qui Patrem habemus in coelis, inquit Gregorius. Quotiescunque igitur coelum intuemini, ibi πολυπαντελέμονα velutrum esse cogitate, Phil. 3. vers. 20. quotiescunque nubes inspicitis, has aliquando vehiculum velutrum futuras recor-

damini, 1. Thess. 4. vers. 17. quotiescunque aviculas alis suis sursum in aërem sese librare cernitis, toties alis cogitationum in vera fide, & spe & charitate sursum desideria vestra attollite, & ascendite cum Christo corde, donec aliquando tequemini corpore, & semper cum ipso eritis, 1. Thess. 4. v. 17.

Da wird der Tag erst Freudenreich /

Wann uns Gott zu ihm nehmen

Und seinem Sohn wird machen gleich /

Als wir denn jetzt bekennen

Da wird sich finden Freud und Muth /

Zu ew' ger Zeit beym höchsten Gut /

Gott woll das wirs erleben /

Amen.

Dominica Exaudi.

Evangelium Iohann. 15. vers. 26. Et 16. v. 1. 4.

Cum Jezabel Regina mortem Eliae minaretur, eò quod universos Prophetas Baal gladio occidisset, fugit ille in desertum, cumque ibi sederet, subter juniperum, optavit anima suæ, ut moretetur. O Domine ait, sufficit nunc, tolle animam meam, neque enim melior sum, quam Patres mei, projectique se & obdormivit in umbra juniperi. Et ecce, Angelus Domini tetigit eum, & dixit: Surge & comedere. Respxit autem, & ecce, ad caput suum subeineritus panis & vas aquæ. Comedit ergo & bibit, & ambulavit in fortitudine cibi illius 40. diebus, & 40. noctibus, usque ad montem Dei Horeb, 1. Reg. 19. vers. 2. seqq.

Parem fortunam in hoc mundo experientur adhuc multi Christiani & confessores Evangelicæ veritatis, dum ab Ecclesia malignantium persecutionem patiuntur, &

vel in exilium relegantur, vel miserabiliter trucidantur, quâ in re meretrice Babylonia gnaviter le gessit, ut ebria dicatur sanguine martyrum Jesu, Apoc. 17. v. 6. Sed Angelus magni Consilii adstat fidelibus suis in mediis persecutionibus, & confortat eos per Spiritum Sanctum ut militent bonam militiam, & tandem coronam vitæ reportent, 2. Tim. 2. v. 5.

Sicut enim fabri ferrarii haud procul à fornace frigidam habere solent: Ita Deus quando probat dilectos suos in fornace tribulationis, non ibi perire sinit, sed educit in refrigerium, Psal. 66. v. 12.

Utrumque confirmat Christus in prælecta pericope, dum Apostolis suis mundi persecutiones quidem prædictit, sed Spiritum Sanctum promittit, qui ipsos rursum erigere, & sub turbinibus persecutionem consolari debeat.

Vide-